

佐治劄言

佐治蜀言

英國 傅蘭雅 口譯

總論

永康 應祖錫 筆述

第一節 凡人生地球上其天賦之形體天賦之性情皆與地面上之品物流形互相配合蓋造物生人之意原欲令斯民之在地面者皆能飽食煖衣同登康樂必其自幼至老一生長無缺憾而上天之心始安

第二節 人生世上無論所遭境遇或為安樂或為憂患皆當使一己之身體與一己之性情隨所遇而淡然安之且必設法於所遇禍福中求出進益來方不為進遇所累人生日用之需固不可少即朝夕辛勤之外亦不可無安樂之事以陶寫其性情然此種樂境斷非驟然可以坐致必先勞其身體竭其思慮方能由勞而逸由苦而甘蓋上天待人原欲使各人勤求事業不可稍存怠惰之心亦謂若其人不肯用心必不能坐享厚福也即如天地之有寒熱燥溼初觀之亦似有害於人心者伏而思之無非上天之所以磨厲人身欲其歷練操守而不致日即陷淫耳總之人生多歷一分患難即多增一分見識歷其境者必當出吾身以與患難相爭爭之既久自能於此中得絕大境界

第三節 上古之時草昧初開其人尚未講究格致之學凡人生應做之事亦未能了然於心止能從日用所不可少與夫各人心中所樂為者設立數種公法以為彼此往來辦理公事之準其初定之風俗規矩章程律法各大端行之國中已覺上下稱便後復從各國所定法度中擇其尤合公用者得一種格致學問而治民之具始備現在如各國中所行政令雖不能謂已造到極處然其中之推行有年累著成效者亦復不少令人往往喜用新法以為民間往來並國家交涉之事不出乎此在當時亦或有信之者究

之憑虛臆斷其法既不合於人情其言亦不切於時勢無本之治終覺難行故欲設立一可大可久之新法必先按切時勢斟酌人情方能行之無弊若舍此不問而堅執已見違背輿情恐新法之興不特無補於世而且有害於人矣

第一章論家室之道

第四節 一國之治其原皆始於家蓋天之生人必使男女相配成為夫婦而立有室家厥後生育兒女為父母者必能本天性以撫育之教養之必至兒女長大成人才可使稍稍相離自立室家從此繼續承承相傳勿替家道之隆真有不可限量者故一切風俗規矩皆屬後起之事惟此夫婦相隨實為王化所自始是以積家可以成族積族可以成國今日之所謂國未始非昔日之所謂家若將各國世系沿流而溯其源則其國之發源於一家者或尚厯厯可考即或年湮代遠不能深究而觀國中人之狀貌性情皆與別國人迥異則其發源於一家可無疑矣

第五節 男女居室原係天地間自然之理順其理則為萬福之原逆其理則禍端百出即如禽獸之子其初生時斷不能自行飛走自行飲啄必待父母哺養幾時方能漸漸自顧故必先成配耦而後能生子能養子也然禽獸哺養其子不過暫時之事至於小孩提時尤為輟弱事事皆賴父母顧復必到二十歲方能自立可見男女不成夫婦則不特不能生養兒女即朝夕撫育亦非一人所能獨任也夫婦之道不綦重哉

第六節 親愛之情根於天性人有兒女其教養保護之意刻不容寬且為父母者苟與外人相處即或胸無畛域究不能無自私自愛之心至於兒女則不但毫無自私自愛之心且必維持保抱為兒女費無窮心思極之勞頓備嘗身歷者尚不以為苦往往與人相處則百計設法只顧自己便宜他人之吃虧與

否俱不暇問若家庭中自無此種意見尤能慈祥惻怛厚待兒孫將來世面上各國交涉之事俱能歸到此種地步則昇平之象可拭目而俟矣由此觀之若天地間無男女婚配之事則父母何能如是彼此相愛彼此厚待而有親親仁民之治耶吾故曰夫婦一道實為萬化所肇端也

第七節 夫婦和睦而成家道似一天然小會一二人此理數十人亦此理推之一族一邦一國尤未嘗不同歸此理即如禽獸之中雖未必俱有配耦然至居遊飲啄之時亦嘗有成對成羣互相取樂者喜聚而不喜散物類尚有此情人為萬物之靈其不能畧居才立絕往來交接之常屏父子家人之樂也明矣世有與人相絕僻處山林自謂千古高人究之枯槁終身悠悠沒世矯情背理果何補於已耶第八節 凡有衆人相聚成會無論其會為大為小必有公共之性情公共之意見則往來交接彼此俱覺合宜若會中別有一種性情意見止能合一二人或數十人而不能與大衆相合者其會必因此漸漸離散故會中生齒殷繁之後總不免有不同性情不同意見之人堅執私心以為己是人非己直人曲至彼此不肯相讓其會必永遠不能和睦是以會中人凡事皆須各讓幾分以為往來準則若能彼此交讓則大家俱可相安矣

第二章論人生職分中應得應為之事

第九節 天既賦人以生命又必賦人以材力使其能求衣食以自保其生命顧人既有此材力必當用力操作自盡職分若不能自主作事則材力仍歸無用大負上天篤生之意矣故無論何國何類何色之人各有身體必各能自主而不能稍讓於人苟其無作奸犯科之事則雖朝廷官長亦不能奪其自主之本分即如平等人與他人立一合同議定若干時為之服役或幫作工藝其所議年限亦不得故違常例且限內雖不得不幫人操作然其身體仍歸自己作主其所得工資必歸本人享用即其家

事亦仍歸本人經理僱工人皆不能與聞是以國家所定法律章程俱準人人得以自主惟不守法者始以刑罰束縛之

第十節 凡國內設立律法欲令衆人皆得益處則必使國內之人上下一體始能無弊故嬰兒乞丐之生命必與壯年富貴之人一樣慎重則貧家最少之產業亦當與高爵人之產業同為國家所保護而不容分輕重於其間也故無論何種人皆應自立主見作何種事業可以度日作何種樂事可以養身而為之上者亦當聽其自然使人人各得自主之益雖天之生人其才智與遭際不能一概而論或為富貴或為貧賤或有權柄而治人或無權柄而受治於人然其所以治人與受治於人者仍是君民一體之理其於人之生命與夫自主自重及所管產業等事均無妨碍也

第十一節 人生一國內既有分所應得之端即有分所當為之事其分所當為之第一事莫如衣食蓋衣食為人生所不可缺之端必能未雨綢繆庶可免號寒啼飢致累他人賑恤又一國之人既受國家多方保護則國內所有法律章程皆當恪恭謹守無負國家培植至意若一味望國家保護已則游手好閑不能自謀衣食是之謂騙欺國家及本國之人國內若有此種欺騙之人其國必不能久長矣

第十二節 今有若干人聚成一會或成一國欲其興利除弊諸事完善則必使人人俱能自主人人俱能工作方能十分富庶然一會一國之中無論為大為小總不免有一種人不能自食其力全賴他人賑恤乃能度日者或因身有疾病不能操作或因身無本領不能餬口不得不仰望於人故凡身體強壯手藝精良之人亦不能不設法相助其助之之法或聽各人隨意捐助以為會中賑恤貧病之費而受其賑恤者亦出於事之無可如何不必遽以此為可恥也不特此也會中之人亦有年力富強手藝精良而情願盡力工作者乃遇偶然變故以至暫時不能做工或竟無工可做此亦無可如何之事

非盡其人之咎同會者亦當視為兄弟竭吾力以助之然此特權宜之事若以立會之常理論之則必使各人皆能認真作事刻苦做工即度日之資亦必各靠自己工夫自己產業其章程方稱平允如此則會方能長久能興旺不然恐無此好處矣

第十三節 上節所論可謂準情酌理矣蓋人生世上無人不有身家即無人可廢養生之道自懶惰者不事生業會中人不能不格外辛勤多操作以彌其缺故逐日所得工資必分出若干為此種人所分潤是懶惰者可以坐享其福而力作者反不能全有其工資也大凡懶惰之人往往言語虛浮到處欺騙對人則以為情願做工而苦於無工可做其實則閑散性成無事肯做故凡有若干人成會其會內若有此種人說此種話者本會人亦不必替他代尋生活止視為兄弟而周恤之蓋必其人自能尋出生業情願做工則其事方與人相合其工作亦可認真若他人代為尋出生業令其工作其人必不肯認真其事亦不能合式也故會中有此種人不但不必為之照料即科以典刑使與各種作偽者等亦非刻薄不仁之事也

第十四節 凡有若干人成會或成國則其國內之律法章程人人皆當恪守蓋人幸而生長文教之邦其視生長野人之國者已十分安樂而欲享文教之樂利則必守文教之章程而不為有害文教之事若居文教之邦受文教之益其行為仍與野人無異是以野人而偽為文教仍當置之野人之國矣故懶惰者必治之以罪使國內不敢效尤治之之法有數種其輕者凡遇此種人衆皆鄙夷之厭棄之至不齒於人類其重者竟用官法懲治科以罪名或禁監獄中令作苦工或發往學習工藝之處勒令工作此等律法古時各國中已有行之者凡有民主之國其人民皆當輔助國家行此警惰之善政也第十五節 一國之中凡前人所定律法在當時固皆斟酌至當意美法良即數傳而後人事變更其

法或不能無弊然國中若未議更張則人民亦不能不照常遵守蓋律法者百姓之身家性命所賴以維持保護者也若不恪恭遵守而必與在上為難則國政荒亂人民均受其害矣故國中有不便之法公議院即當查勘法中利弊如果有弊無利即宜思所更改或竟廢去使歸平允以洽羣情

第三章論文教

第十六節 當攷各國史書知其先皆為野人後由野人漸漸振興文教野人之國其人類皆性情狠戾強悍者得操威福之權而謹愿厚重之人每以類弱勢孤無從表見其俗男女不成婚配人家婦女皆以奴婢視之即父之於子其束縛亦無人理往往強者凌弱弱者即巧詐順承因之彼此猜疑終不能創一公便章程為國中興利除弊故其國卒至綱紀紊亂人民凋弊也至文教之國則不然其桀驁不馴者既有法以治之使不敢逞其性情溫厚者尤必共相推重奉為典型至男女則夫婦敵體非如野人之以主僕相稱也其弱而無能者必為有力者所保護非如野人之彼此相猜也一國之中人民和睦有弊必革有利必興家富戶饒可預必耳查野人能於山林曠野之中恣意游覽不若文教之人有父兄官長約束其上是以愚昧之流每有羨野人之能自主者殊不知野人之所謂自主無非不事生業成為餓餍而已否則劫奪人財殺戮人命無人問罪而已豈文教之國所能有此惡俗哉蓋必振興文教創立公允律法使衆人心悅誠服上下相安無事方能稱為實在之自主也

第十七節 或有謂野人由於天賦而文教則出於人為者余以為非確論也凡文教之與野人其性情皆由於天賦故其始雖為野人一經漸漬薰陶亦可變為文教其有久經文教涵濡而仍鄙野如故者必其人別有一種性情出於野人之外者使其不能變化亦不必全闕天事也欲明此理可即野人之身體與其居處而知之蓋野人往往自處污穢然一經文教變化便知多方修飾不肯以齷齪自居

亦以好潔惡穢人之常情也野人卽所處不潔然其心並非一無愛潔之意特此念蘊蓄於中不能自發亦如孩提之具有知識未能粹然流露耳

第十八節 野人中亦有一種習尚行之多年遂成為風俗者卽如人家生下嬰兒卽用平板一塊縛

於頭上厭平其額以為美觀然此種陋俗在文教之邦亦所不免卽如中國女人纏足西國女人束腰之類俱於文教之中顯出未臻極盛景象蓋文教若臻極盛斷不致有此種矯揉造作之事也

第十九節 文教之處其人皆性情溫厚識見精明自能生聚教訓為國中開樂利之源若野人之國則不然試以所處之土地面積而論野人之地人數少大畧每一平方英里止能養活野人一名以其地皆曠土出產無多非如文教之處無土不耕無物不植庶草蕃庶六畜孳生又能振興各種工藝使國中無一游惰之民故其地每一平方英里足養二百五十人是為中數且野人之國其人類皆辛苦墊隘又無良法保護嬰兒及年老之人故人民類多夭折若能興起文教則人壽之中數自可漸漸增益如英國近年人壽中數較百年前已經增益若干若與二三十年前相較更不知增益幾何矣

第二十節 英國固自稱為文教之邦者然觀其國中之事每與文教不能相符尚介於半文半野之間蓋其民之不讀書不能文者甚多卽其識見聰明亦未必卽出野人之上嘗有不事生業治遊無度以致作奸犯科自投羅網者又有一種人寄迹山谷之中潛身荒僻之地守舊時祖宗成法閒居無事偷惰自安幾為文教涵濡所不及此種人各國中所在多有自其外觀之亦儼然有文教景象而其實仍與野人無殊近年來各國勵精圖治已於此事認真查究務令一國之內人人讀書人人考究工藝從此興利除弊或文教可臻極盛乎

第二十一節 各國中有二種弊端一為文教內地所必有之事一因有此弊端遂釀成數種不便之

處然只要振興文教其弊自可漸漸銷除即或偶然弊生亦可設法彌縫使不便者終歸於便如文教之處富家大族積產甚多乃以良莠不齊宵小雜處遂至有偷竊劫掠之事又或因國內各種工藝皆創有新式機器其通商貿易各務亦時有改舊章而用新法者故人民每因此輟業閒居無以餬口此誠無可如何之事也若欲革除此種弊端必先使各色人皆能深悉文教根源不致因此作亂又必教以各種便民新法使各色人仍有工藝可做則心思材力皆有所用自不至好閑游手滋生事端矣總之無論文教興起到如何美備各種工藝做到如何精巧凡能精勤作事之人自不患無業可執也新法豈病民乎哉

第四章論名位

第二十二節 前言一國之人無論貴賤皆當視為平等故各人身命與其自主自重及所管產業國家皆應一體保護其理然也至其性情才識則又有不能強同者何也一國之人有強者有弱者有精明而靈巧者有樸拙而笨伯者有安分而認真作事者有不安分而喜偷惰者類別羣分賢愚不等一年內所生之人過十年便已各有分別若過三十年則其間相去不啻霄壤矣故其中或有得位乘時自立功業者亦有自甘暴棄湮沒無聞者不特此也設有二人同日而生其幼時性情智識亦彼此相等而一則教養得法一則教養失宜不數年間已不能同日而語過此以往二人相去豈復能以尺寸計哉

第二十三節 賢愚貴賤自古皆然故由野人以迄文教羣興俱有類聚羣分之別其亦輕清重濁天地間自然之理耶

第二十四節 凡有材識出眾之人出為地方興辦善舉使地方得沾實惠則國家自應核給官爵獎

其勤勞既可鼓勵本人更能使有志者聞風繼起現在英國等處雖尚無此章程然見他國人有因勤勞而得官爵者亦未嘗不心焉慕之可見國家酬庸之典與斯人貴貴之情皆天地間自然之理也

第二十五節 國家厚待勲臣凡生前給有官爵者死後仍奉其後嗣承襲原職亦有席祖父之餘蔭而尸位素餐聲名狼藉者故論者每謂蔭襲一途不免太濫然各國內亦大半有此特典想亦國家重視勲勞與其薄不如其厚之意乎

第二十六節 凡人生前積有資財產業沒時絲毫不能帶去故不能不傳之兒孫使之世守餘業弗墜家聲世世相傳自然之理也故祖父官爵傳與子孫承襲於理亦無不合之處

第二十七節 酬庸之典其初必有功勞而後有官爵至承襲之後則可有官爵而無功勞人或謂承襲之職似非理所應得然人之重視官爵者並無本人後代之別且有歷代愈久而愈貴重之者蓋人情往往愛古而薄今以為今日承襲之爵皆由數十代以前相傳而來國家雖有爵人之權亦不能以數十代以前之官爵予人故此等品級以為先朝遺典不能不令人寶貴即民之於國其愛戴之情亦然其立國歷世愈久則國人之愛戴愈深即或有宰輔大臣其才識之恢宏及待民之慈惠俱為當時國王所不及以之治國似可措之裕如矣然苟驟膺大寶則人心之變必有不能終日者蓋人主撫有一國幹濟才猷固不可少然必兼有累世相傳之物望方能使國人心悅誠服所以凡有文教之國其國主並各大員皆係歷代相傳者居多是書固不敢謂繼體承襲皆為治國不易之法而究其實在此事並非創論實於人情天理事事相符辯論此事者往往不以此說為然而其不以為然之故亦因不明自然之根源也

第五章論國人作事宜有爭先之意

第二十八節 一家之人互相親愛遇事則彼此相讓不肯令同愛之人或有吃虧蓋家庭中無所謂爭名奪利也至與外人交涉則不然因人人各有事業即人人各出己力以望其事之成功是以一會一國之中若無彼此相形之事則用力作事者既無甚益處而衆人所做有益之事必有許多人不肯做矣

第二十九節 人當用力爭先各求利益以養其身家性命固已然亦不可故意損人專圖益已如以珍寶之物置衆野人之前則野人必哭起搶奪至相爭鬪弱者什於地強者壓於上相持不解勢必兩敗俱傷則寶物亦何益於我哉故文教之國士農工商各居其業必不肯損人益已如野人行爲一人得利遂令衆人受害甚至相率爲盜劫掠人財致良民不能安處蓋名利雖爲人所必爭亦必忠厚待人取之有道若居心奸險刻薄成家雖獲利於目前其能久享乎

第三十節 人之取利有二法一以權勢搶奪他人所有之利以爲己有一則自己用力出生財有道以獲自然之利其賴權勢以取利者必先多備器械使其兵強力足方能令人畏服故文教未興之國一人牟利則人人皆受其累其甚者往往興兵構怨搶奪弱國之財物以爲己有或又侵其土地以益邊陲擄掠人民以爲奴僕若此者皆非自然取利之理也

第三十一節 古時東方之國其人民幾不敢居殷富之民因其時全權之國主並國中大員皆極貪暴若知民間聚有貨財不但立時搶奪且必殺害有財之人以杜其口如猶太人在歐洲各國內數百年前其國皆有大諸侯管理國中公事百姓既無權柄可以作偽則惟知積蓄錢財自圖安樂而又不取顯露其財致遭屠戮故有財之人亦裝爲窮苦難堪之狀卒爲諸侯所傾覆免者十不獲一焉蓋其時諸侯殘暴性成以爲修和輯睦之風不足以控制國族所以兇橫刻薄凡民間農工商賈所聚之財

皆可隨意侵奪幸近來此風已經變革各國皆已改定章程革去諸侯重權而百姓得以相安矣

第三十二節 若文教之國亦有上節之事彼此紛爭以強凌弱則國中必不能上下相安凡人性情漸漸可以變化若能禁止不可為之事以鼓舞不可不為之機則上節所言貪暴爭奪之風自能漸漸革變且文教既興一人力作而獲利則人人可受其福蓋其所取之財既非奪他人之利以為利況興起工藝他人亦能相助工作同獲利益乎

第三十三節 嘗考西國之人以格致工藝專家者皆能享大名獲大利而事之有補於時世者尤為利益無窮如瓦得之創機器司替分孫之創鐵路與汽車哈格來佛與亞格來得之創紡織機器以及創設各種製造工藝或出其議論撰為成書以垂後世既能革名利於一身又能使天下後世皆受其福間亦有本人不甚出名不甚獲利而國中隱受其福者格致工藝有益於人豈淺鮮哉

第三十四節 文教之國亦不免有一種狙詐之人不肯勤苦做工自食其力而見人積有財物則必多方設法侵奪其財而後已此種人雖有因此致富者終為文教之人所不齒若為國家覺察尤必科以重罪即或一時漏網而所行不義覺終身不能自安

第三十五節 從以上各節觀之可見人能用力工作彼此爭先所得名利不但無害於人且大有益於世蓋論家庭之中固以仁讓為先男女長幼皆應彼此周旋彼此保護不能有一毫自私自愛之心至論世上求名利之事則終日營營爭先恐後者又為天然之理固不能以家庭之事概之也

第三十六節 於此可見國內百姓有踴躍爭先力求名利者不特不可禁止且應從而鼓舞之獎勵之使眾人皆能自主各出才力求名利惟此事亦有限量其有惟利是圖不顧限量者則不得不為之禁止耳蓋國中每有一種人孽孽為利但求於己有益至人之受害與否置之不問或有性情僻傲

往往一事方行而弊端已隨其後況損人益己之事縱勉強獲利亦必指摘交加漸成怨府又安能久享其利耶所以文教之國所行之事必彼此俱能獲利其事方可舉行

第三十七節 凡欲興大工以求大利者既非一人所能成事則不能不集數人以共為之如合股成公司之類是也但立公司之原意不過各人互相信服同力合作以期彼此獲利而已非如家庭之中能彼此相讓可以舍己從人也此事與國家大有關係故書中畧舉一二論之一為國政之根源一為設法保護不使受累若明此二者則國內應行之事皆可以合力公辦之法為之而利源益廣矣

第六章論駁辨爭先之誤

第三十八節 凡人若能遇事爭先則身體之強壯才識之精明皆能經營謀生自食其力既有爭先之意必能耐苦操作以成上等之人皆天性自然之理也乃各國中嘗有人駁辨此事以為大不然者其意畧謂上天生人賦畀原分厚薄故人有身體材力俱極孱弱即竭力工作尚不能餬口者安能與人爭先又有一種人本性柔弱事事甘居人後即或暫時用力旋即畏憊不前且凡事止計目前明日之事即不復計又何暇與人爭先其甚者又復作奸犯法至為衆人所不齒爭先之事更不必言矣所以一國之內有立品清高者有置身富貴者有自處污下者有備歷困頓者亦有以身試法怙惡不悛者熙熙攘攘品類不齊安能望其踴躍爭先同歸於善乎總之世上之人其聰明而富貴者專享厚福其迂拙而貧賤者長歷艱辛天道茫茫終令人情慙不平耳

第三十九節 各國中又有人駁論此事云如能令人不爭先則遇有應行之事可令衆人合力公辦其利既均其益更大此其意欲令國中彼此和睦合力做工所得之利俱歸公欸各人日用所需又從公欸中支用若能如此均平則世人所有困迫奸險嫉妒怨恨之性皆可消滅國內亦可底於昇平矣

第四十節 查爭先之事開闢以來即有之凡有新立之國或新成之會雖未嘗設立律法強人爭先亦未嘗令衆人商定應用如何爭先之法而其人之爭先工作者往往不約而同蓋亦天性使然也

第四十一節 於此可見作事爭先之理皆由人之本性而來凡事之假借而不本自然之理者止能行於暫時不能經久爭先根於人之本性故歷久暫而不變也

第四十二節 天生斯人原欲其克勤克儉求兩間之樂利以自養其身家即人性情材力或有不同亦可就各人性相近者擇而為之既聽其各就所好以為本業則所得工資必能愛惜各思保護矣可見人有此種性情並非專顧一己不顧他人誠欲人人皆有此心則人人皆能用力求營生盡心愛惜自家所有之財物故有一種度量寬宏人能出己之財物以周恤他人者然何者分與別人何者歸與自家享用亦必分別界限即有貪心極重凡事專顧自己之人於此界限亦能分曉不誤

第四十三節 由此觀之可見各人爭先之性情不但有益於本人且有益於衆人因能令衆人彼此爭先用力工作增益國內錢財又令國中設法保護衆人所有錢財使無攘奪之患則國中皆享其利非僅一人一家之有利也

第四十四節 自古自今嘗有人欲設立一種會將衆人所有資財並做工所得工資均歸會中管理而各人本身需用可向會中支領至妻子所需日用會中概不給發不啻視妻子如路人也此種會雖有其名從無實際蓋皆不合於天理人情即暫時設立不久自散且人心不齊蓄意情奸詐之民必借此藏身不肯用力作事而愚拙忠厚之人皆受其累故此會一興國內必有大亂以視近來各能爭先恐後者其利幣顯然相懸矣

第四十五節 從以上之說觀之可見現在各國所有弊端並非因各人爭先之事有錯誤實因國中

有誤用天生之性情者將下等性情漸漸滋長遂使上等性情漸漸漸滅故國中終不能造到文教極盛地步然各種弊端亦必有法以治之其治之之法必先令衆人能分別善惡二途又必令見善則生好心見惡必生惡心假如做一事而有益於人此便是惡此事便不可做若能如是則國人相安國中自然大治矣至國中政事又不可設立新法有不合於人情之處如欲堅僻自是好立新法以變更國政則救正之效難期而紛更之禍已烈迨之變亂已形始咎新法之誤追悔尚可及乎

第七章論人類分國

第四十六節

查英法奧布四國古時非真文教之邦止於數百年間漸漸振興文教但立國以前已

有幾分文教景象非如野人之一味兇暴也若阿非利加亞美利加以及紐胡西倫波羅洲馬達加斯加等處其土人或分小邦或分小族各邦族屢屢用兵交戰兼并土地其源流不甚可考舊學全書言其風俗一家之中有一首領管理家事不異家長其名下所轄或數百人或數千人不等首領管轄其下俱極親睦故無不心悅誠服間有兩家或數家同室而居者又有始同居而繼析爨者如舊學全書所言亞勃拉嚇與其姪樂得兩家原係同居後因人口繁庶所養六畜既多兩家收人時有口角是以彼此分居云

第四十七節

英國古時人民亦分家或分族其首領亦如官長所管轄之衆無不心服如蘇格蘭北

邊土人亦分許多邦族其族中之同姓者則為家一家之中必有家長家人敬之如父亦如亞美利加土人之服其首領也至於國王治民之義尚未甚明曉嘗言國王亦不過一大家之父所以住美國之土人稱美國首領為大父加拿大土人亦稱英國國王為大父後英國女王御極則最難定其稱呼因土人中從未有女人治國者

第四十八節

以上各處土人無論為家為族但能明白治國之理則必聯絡聲氣稱為一邦於眾人中舉其才德兼備者以為官長辦理地方公事如英與美國其國主並辦理國事之人俱從民間保舉而起法至善也但由邦族而成自主之國斷非一時所能成功有不能聯絡自成一國者往往為強大之鄰國所并如古時波斯國王此魯司希臘國王阿利三大與他馬蘭等國王嘗以兵攻并毗連各族隸入本國版圖又如古羅馬時其東西南北所有散處各族無不歸其吞并故羅馬最盛之時凡地球上所已知之土地無不歸其統轄此皆迫於羅馬兵勢並非各族之甘心歸附也是以羅馬之勢一衰各族漸漸離叛

第四十九節

歐洲各國其初皆係極小之邦因能發憤自強用兵兼并連界土地遂漸漸成為大國如法蘭西開國之初所有土地巴黎而外不過阿連斯與哀魯佛蘭西及必加提而三省而已現在所屬各省從前皆係自主之邦次第為法人所并間有數邦不過於三百年內并入法國而法人自言似其國古時早已有此疆土而考其強盛情形不過在二百餘年內且其間土地時有增減即近年與德國交兵失地已不少矣

第五十節

歐洲各國其強盛之由皆與法國大同小異如西班牙國其初原分六國各有國王各能自主畧西歷一千四百五十年始并六國為兩大國一名亞拉根一名加斯德其後亞拉根國王名佛提南德與加斯德女王名伊些倍拉者締為夫婦遂并二國為一國復後添十數省成一大國即今之西班牙國也又有初為大國其後漸變為小國者如西班牙國始撫有奧國荷蘭國比利時國那不勒邦以及亞美利加大半土地其後各國自主西班牙遂變為小國矣又如俄羅斯現在所轄土地大半皆從攻戰吞并而來查開國之初不過古京城莫斯科周圍一小邦而已版圖尚不及蘭荷之大若

取俄國現在輿圖觀之則舊時土地止圖中一小點耳又考奧國其國王祖宗所有之地僅在瑞士國內臧布勒葛地方一處現在已添入亨軋里國之地不少已有三千餘萬人在歐洲內亦算一大國矣布國從前所轄地方亦屬無幾近則於歐洲諸大國中首屈一指考布國強大最速蓋不事攻取皆由就近諸邦情願歸附故不數年間即成一強盛大國也

第五十一節 西歷九百年以前英國土地尚分十二邦或十四邦至九百年始有數邦聯合成為英國至一千二百年添入愛而蘭邦一千三百年又添入韋拉時土地至一千七百有七年蘇格蘭亦立國自主雖地小民貧而一千二百數十年以後英國究未嘗與之交兵至一千八百有六年二國始派通事商訂辦理二國交涉章程立一和約二國用印簽押如商人之合本貿易然又亞美利加所住英國屬地之人亦背離英國自立一國分為數邦各邦互立合同議定立國後應以何法辦理國政現雖添入多邦終未改變其章程云

第五十二節 如能聯合眾邦成為一國則其利益甚大因各邦聯絡一氣則國內語言文字以及風俗章程律法俱可漸歸一律又能使各邦之人彼此和睦合辦國中一切工程假如分英國為四五國而各國自立即能彼此輯睦不至用兵交戰然猜忌之心終所不免且各國既不相通則一國內有大能幹之人能為國中辦理公事亦不過本國中受其利益其餘各國皆不能得其益處若能合成一國則無論何處出有聲名之人通國皆能沾其利益矣況各邦各自為主則他邦之貨運至此邦此邦必徵其稅雖彼此接壤亦必視為異邦之人即如意大利國一千八百六十六年以前亦分為數小國此種弊端極多直至是年合年一國而國中始事事稱便

第五十三節

如合數國為一國而欲眾人均得益處則必彼此情願如英國與蘇格蘭相合之法方